

საჯარო სამართლის იურიდიული პირი  
ბათუმის შოთა რუსთაველის სახელმწიფო უნივერსიტეტი  
ბრძანება № 01-08/142

ქ. ბათუმი

29 ოქტომბერი, 2018 წ.

ბსუ-ს წარმომადგენლობითი საბჭოს 2018 წლის არჩევნების გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 და 25-ე მუხლების, „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის წარმომადგენლობითი საბჭოს 2014 წლის 13-14 ნოემბერს ჩატარებული არჩევნების შედეგად ახალარჩეული წევრების უფლებამოსილების ცნობის თაობაზე“ ბსუ-ს წარმომადგენლობითი საბჭოს 2014 წლის 25 ნოემბრის №01 გადაწყვეტილების, „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის ზოგიერთი ფაკულტეტის რეორგანიზაციის თაობაზე“ ბსუ-ს წარმომადგენლობითი საბჭოს 2018 წლის 26 თებერვლის №1 გადაწყვეტილების, „2018-2019 სასწავლო წლიდან ბსუ-ს ზოგიერთი ფაკულტეტის რეორგანიზაციასთან დაკავშირებით გასატარებელი ღონისძიებების შესახებ“ ბსუ-ს რექტორის 2018 წლის 21 აგვისტოს N01-08/104 ბრძანების და იურიდიული და სოციალურ მეცნიერებათა ფაკულტეტის საბჭოს და ზუსტ მეცნიერებათა და განათლების ფაკულტეტის საბჭოს 2018 წლის 24 სექტემბრის სხდომის ოქმებისა და „ბსუ-ს წარმომადგენლობით საბჭოში 2018 წლის მორიგი არჩევნებისათვის აკადემიური პერსონალისა და სტუდენტთა ასარჩევი რაოდენობის განსაზღვრის შესახებ“ ბსუ-ს რექტორის 2018 წლის 29 ოქტომბრის N 01-08/141 ბრძანების, ადამიანური რესურსების მართვის სამსახურისა და სასწავლო პროცესის დეპარტამენტის დიპლომების გაცემისა და რექტორის სამსახურიდან მოწოდებული ინფორმაციის საფუძველზე

ვბრძანებ:

1. გამოცხადდეს ბსუ-ს წარმომადგენლობითი საბჭოს 2018 წლის არჩევნები ბსუ-ს ფაკულტეტებიდან და დამოუკიდებელი სამეცნიერო-კვლევითი ერთეულებიდან შემდეგი რაოდენობის წარმომადგენლების (25 წევრი - 15 პერსონალი, 10 სტუდენტი) ასარჩევად:
  - ა) ჰუმანიტარულ მეცნიერებათა ფაკულტეტიდან - 2 აკადემიური თანამდებობის პირი და 2 სტუდენტი;
  - ბ) ეკონომიკისა და ბიზნესის ფაკულტეტიდან 2 აკადემიური თანამდებობის პირი და 2 სტუდენტი;

- გ) საბუნებისმეტყველო მეცნიერებათა და ჯანდაცვის ფაკულტეტიდან - 2 აკადემიური თანამდებობის პირი და 2 სტუდენტი;
- დ) ტექნოლოგიური ფაკულტეტიდან - 2 აკადემიური თანამდებობის პირი და 1 სტუდენტი;
- ე) ზუსტ მეცნიერებათა და განათლების ფაკულტეტიდან - 2 აკადემიური თანამდებობის პირი და 1 სტუდენტი;
- ვ) ტურიზმის ფაკულტეტიდან - 1 აკადემიური თანამდებობის პირი და 1 სტუდენტი;
- ზ) იურიდიული და სოციალურ მეცნიერებათა ფაკულტეტიდან - 1 აკადემიური თანამდებობის პირი და 1 სტუდენტი;
- თ) თითოეული დამოუკიდებელი სამეცნიერო-კვლევითი ერთეულებიდან (ფიტოპათოლოგიისა და ბიომრავალფეროვნების ინსტიტუტიდან, ნიკო ბერძენიშვილის ინსტიტუტიდან და აგრარული და მემბრანული ტექნოლოგიების ინსტიტუტიდან) - ერთი წარმომადგენელი.
2. წარმომადგენლობით საბჭოში ფაკულტეტებიდან, როგორც აკადემიური თანამდებობის პირი, შესაძლებელია აირჩეს ამავე ფაკულტეტის პროფესორი, ასოცირებული პროფესორი და ასისტენტ-პროფესორი (გარდა დოქტორანტისა).
3. წარმომადგენლობით საბჭოში დამოუკიდებელი სამეცნიერო-კვლევითი ერთეულებიდან შესაძლებელია აირჩეს ამ ერთეულის სამეცნიერო პერსონალის წარმომადგენელი (მთავარი მეცნიერი თანამშრომელი/უფროსი მეცნიერი თანამშრომელი ან მეცნიერი თანამშრომელი);
4. კანდიდატებმა საარჩევნო კომისიაში უნდა წარადგინონ:
- ა) განცხადება;
- ა) პირადობის მოწმობის ასლი;
- გ) ცნობა ბსუ-ში დაკავებული თანამდებობის შესახებ (უნდა წარმოადგინოს აკადემიური/სამეცნიერო პერსონალის წარმომადგენელმა);
- დ) ბსუ-ს სტუდენტის სტატუსის შესახებ (უნდა წარმოადგინოს ბსუ-ს სტუდენტმა).
5. წარმომადგენლობითი საბჭოს არჩევნები ჩატარდეს:
- ა) ბსუ-ს ფაკულტეტებზე - 2018 წლის 13 ნოემბერს (კენჭისყრა დაიწყო 10 საათზე და დამთავრდეს 17 საათზე);
- ბ) დამოუკიდებელი სამეცნიერო-კვლევით ერთეულებში - 2018 წლის 14 ნოემბერს (კენჭისყრა დაიწყო 10 საათზე და დამთავრდეს 17 საათზე);
6. კანდიდატთა რეგისტრაცია იწარმოებს 2018 წლის 30 ოქტომბრიდან – 2018 წლის 08 ნოემბრის ჩათვლით, უქმე დღეების გარდა, 10 საათიდან 16 საათამდე ბსუ-ს საარჩევნო კომისიაში (მისამართი ქ. ბათუმი, ნინოშვილის/რუსთაველის ქ №35/32, პირველი კორპუსი, ოთახი N13);
7. ბსუ-ს საარჩევნო კომისიას ეთხოვოს არჩევნების ორგანიზება-ჩატარებისათვის ბსუ-ს წესდებით გათვალისწინებული ღონისძიებების გატარება.

8. ბსუ-ს ფაკულტეტების დეკანებსა და ინსტიტუტის დირექტორებს დაევალოთ არჩევნებისთვის შესაბამისი ოთახების გამოყოფა და ამომრჩეველთა სიების წარდგენა ბსუ-ს საარჩევნო კომისიაში 2018 წლის 5 ნოემბრის ჩათვლით.
9. ბრძანება ჩაბარდეს ბსუ-ს მართვის ორგანოებს, სტუდენტურ თვითმმართველობას, ფაკულტეტებს, ინსტიტუტებს, ადამიანური რესურსების მართვის სამსახურს, სასწავლო პროცესის დეპარტამენტის დიპლომების გაცემისა და რეესტრის სამსახურს, იურიდიულ დეპარტამენტს და საინფორმაციო ტექნოლოგიების სამსახურს
10. ბრძანება განთავსდეს ბსუ-ს საინფორმაციო დაფასა და ბსუ-ს ოფიციალურ ვებგვერდზე (ველში - კონკურსები).
11. ბრძანება ძალაშია ხელმოწერისთანავე.

რექტორი, ასოცირებული პროფესორი

  
მ.ხალვაში